

Enformaziuns y Comunicaziuns

Cor dai Mituns: Le Cor de Dlijia mët sö en colaboraziun con Sofia Pisching en Cor dai Mituns. Tó pert po mitans y mituns dai 8 ai 14 agn, co à ligrèza da cianté. Le cor abeliarà festes de dlijia y nia mà. Les proes vën tignides de sabeda ales 10 danmisdé. Mituns co à ligrèza dess se prejenté ala proa en sabeda ai 15 de merz, tal local sora le salf dles manifestaziuns. Enformaziuns plü monüdes ciafun pa Sofia al 334/1873375.

Leturs: Al vën tres endô chiri porsones, inçe jones y jogn, co foss a desposiziun da gnì a lì dant te dlijia. Che co foss enteressês, po se lascé adentène pa Annalisa Marccoli.

Senioreclub: Le Senioreclub lascia alessèi che en dédemesaledema ai 12 de merz ne jaràn nia sö Oies, deache an ne po nia sö con le bus. Mo porchèl s'encuntun empò: ales 3 dômisdé saràl na Santa Mëssa te dlijia d'Al Plan, co vën ciantada dal Cor dal Senioreclub.

Sontades: La Uniun dles Ères s'encunta en lönesc ai 10 de merz ales 20:00, te calogna.

Jogn: I Jogn SKJ d'Al Plan fej na gara dla lösa a löna colma, da Lé Picidol cina jö Pederü, en sabeda ai 15 de merz ales 19:00. Tó pert po jogn y manco jogn y an po garejé da susc o en copia. Le cost è de 15,00€ a ce con pasta y boanda. I petorai ciafun en chël dé dales 17:30 ennant, ta Pederü. Tó pert po cina 40 porsones. Infos y iscriziuns pa Paul da Pederü al 347/5539149.

Biblioteca: La biblioteca "Angelo Trebo" y le Zënter Families Mareo organisèia na sèra da s'la cunté por ingeleje o todèsch, en jöbia ai 13 de merz ales 20:00, te biblioteca d'Al Plan.

Curs: La Uniun dles Patronas dal comun da San Martin organisèia en curs da fà ciüries por popi, fates a spèisc. Le curs è ai 2 y 8 d'aori dales 13:30 ales 16:00, tal salf dai stödafüs a San Martin. An po s'anunzié da atira pa Loise al 0474/590026.

Referat: I Artejagn dla Val Badia organisèia en referat con le capitan dla Finanza da Bornech Massimo Selenati, en dédemesaledema ai 12 de merz ales 20:00, tal salf dai stödafüs da San Martin. Titul è: "Novitès finanziares y comportamont pa verifiche fiscali".

Scora de Musiga: Les iscriziuns ala Scora de Musiga Val Badia por l'ann 2014/15 vën tutes sö döt le mëns de merz 2014. I formulars ciafun tles scores, te internet (sot a www.musikschule.it) y tal secretariat dla Scora de Musiga sö La Ila. Por enformaziuns cherdé sö le 0471/847748.

Manifestaziuns: Al vën endô arjigné en program dles manifestaziuns de dōta la Val Badia. Les uniuns co ô comuniché söes iniziatives dess les dé ete sot ala plata www.manif.it o les dé jö tal Sorvisc de Formaziun ete dal Istitut Ladin Micurà de Rù anter i 17 de merz 2014. Les manifestaziuns menades ete dedò gnarà mà plü publicades te internet.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - cina al dédemesaledema sèra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o inçe www.valbadiaonline.it



Ploania
d'Al Plan
de Mareo

La plata de
Ploania



VAL BADIA

E-Mail: ploaniaalplan@gmail.com - Radio de Ploania: 93,00 MhZ
Telefôn y fax de calogna 0474/501006

1. Domègna de Carsèma, ann A, ai 09.03.14 - nr. 15

Mâ le Signur, to Dio, dësste adoré y èl su dësste sorvì!

Dal Vangelo dô San Matio, 4, 1 - 11

⁸Endô l'à le malan tut con èl y l'à condüt sön na munt dër alta; al ti à mostré i règns dal monn te sôa gloria ⁹y ti à dit: Döt cösc ôi te dé, sce te te pètes ia por tera y m'adorëies. ¹⁰Sön chëra ti à Gejù dit: Vâtan, sâtana! Cîodiche tla Scritôra stâl scrit: Mâ le Signur, to Dio, dësste adoré y èl su dësste sorvì. ¹¹Sön chëra l'à le malan lascé, y al è gnü agni a le sorvì.

Parora dal Signur. - Lalt a té, Gejù Crist!



Periun!

**Dio onipotënt,
te se scinches
cösta santa Carsèma
desco tomp
de conversciun y
de penitona:
làscesse, con la
zelebrazion de cösc
tomp sant, jì plü sot
tla conescionza de
Gejù Crist, y
desmostré con
na vita de fede
la forza de sôa
redenziun.** (Oraziun dal dé)

Ci nes dij pa la Parora da encö?

"No se mené tla tontaziun". Cösc periunse tal Pere Nost. Al po ester che trec ne capësci nia porciodi. Gnì delibrès da döt le mal encër nos ia - chël è val' che i periun bën ienn y gonot. Mo da nia roé tla tontaziun? o ciamó piec: perié che Chël Bel Dio ne se mëni nia en tontaziun? Cösc sona desplazé y fora dal tomp.

Gejù endere sâ por esperionza cîodi che i dën perié ensciö. Gnì motüs ala proa ne n'è nia val' da sté saori. Al po ester che an ne ti la féji nia, che an ne ti sii nia. Val' iade vëgnel a löm les plü bortes perts de nos. Gejù à lascé mëter ala proa sôa fede. Al à cînami araté che l'eam podess mà gnì da Chël Bel Dio enstès, co è pö la fontana de döt le bun. I ne sun nia sogüda, desche iu m'la cavass, sce mia fede gness motüda ala proa. Enlò èl empò magari miù sce i preii ciamó en iade "No se mené tla tontaziun". (Christina Bramkamp)

S.Mësses y Funziuns dai 09 ai 16 de merz 2014

Domëgna: 09.03: I. Domëgna de Carsëma: Ann "A" Mt.4, 1-11

Oferta por i bojügns dla Ploania



- 9.30:** Corona por +nt Paul Palfrader, da Jung
10.00: S.M. Pro Popolo - por dōta la Ploania
2. Requiem de sopoltōra por +nt Paul Palfrader
14.00: Funziun dal Bato: Matthias Kastlunger
18.00: S.M. ad intenziun por la Pêsc y por les Püres Animes
S.M. por Fam. Winkler Albin y Gabriella
S.M. por +nta Gasser Angelina, Peraforada dessora
S.M. por +nt Hans Erlacher, Corcela

Lön. 10.03: Lönesc dla 1. edema de Carsëma: S.Emilian, S.Gustav

- 7.30:** S.M. por +nc' Hans y Felix Rindler
S.M. por +nt Fighile Obojes, Craizer

Dédol. 11.03: Feria dla 1. edema de Carsëma: S.Rosina, S.Ulrich

18.00: Via Crucis – Les Staziuns

Dédem.12.03 Feria dla 1. edema de Carsëma: Sa.Beatrix, S.Gregor

- 18.00:** S.M. por +nta Clara Tamers Oberbacher
S.M. por +nt Adolf Ties, Valiares
S.M. por +nta Marta Obojes Trebo, Gorghe

Jöbia 13.03.: Feria dla 1. edema de Carsëma: Sa.Paulina, Sa.Judith

18.00: Liturgia dla Parora

Vëndr.14.03.: Feria dla 1. edema de Carsëma: Sa.Mathilde, S.Einhart

- 7.10:** S.M. por i scolari
S.M. por +nta Mima Ties, Ras
S.M. por vîs y +nc' dla Fam. Trebo Hermann
18.00: Via Crucis – Les Staziuns
Sancta Maria in Sabato: S.Clemens Maria Hofbauer
17.00: Poscibilitè da se pissié
18.00: S.M. aniv.por +nta Loise Maneschg, Ciane
S.M. por +nc' Trebo de Pire
S.M. aniv. por +nt Jep Pescoller, Joblere

Domëgna 16.03: II. Domëgna de Carsëma "A": Mt. 17, 1-9

Oferta por i bojügns dla Ploania

- 9.30:** Funziun dla Domëgna: Carsëma
10.00: Por dōta la Ploania
14.00: Funziun dal Bato: Anja Hauser y Leonhard Tolloi
18.00: S.M. de reng. por Fam. Paul y Waltraud Trebo, Mantëna
3. Requiem por +nt Paul Palfrader da Jung
S.M. por vîs y +nc' dla Fam. Goidanich
S.M. por +nc' de Paula Werth
S.M. por +nc' Signor Matio Rigo y Signor Fonjo Clara



AODANZES: Döt le bun, sanité y benedisciun a

Anna Taibon *06.03.1934

y a düc chi co à santennom y complësc i agn cöst'edema.

JINÈ con..

Jinè con i edli

- Çiarè deplö sön me enstës:
Çiari con responsabilitè de mia vita?
-Çiarè deplö te me enstës:
Va mi ponsiers a òna con mia vita?

Jinè con les orëdles

- Aldi deplö te me enstës:
Çi mo dà pa ligrëza?
Por che y por ci ài pa orëdla?

Jinè con la bočia

- Mëter averda a co chi mo comporti
con les porsones encëria:
Sunsì bon/a da pronunziè parores da orëi bun,
da laldé zacai o da i rengraziè?
Diji mat dagnora scê y amen,
o diji mia minunga
y sta inçe pa chëra?

Jinè con les mans

- Mo comporté coscientamonter:
Corespogn ci che iu feji a mi prinzijs,
o le feji mat porciòdi che d'atri
s'al aspeta da me?

Jinè con i pisc

- Pîsc mo porta:
Che y ci mo porta pa te mia vita?

Sc'i sun bun de tó mia vita deplö te mies mans,
de vire coscientamonter
y de mëter man danö olàche al è debojügn,
poi sperimenté danö
la Festa de PASCA:
Pasca devënta na festa:
dal mëter man danö, dal cambiamont,
dla ressureziun da na vita morta a na vita emplida!
Al n'è Önn co mo dà te cösc tomp de Carsëma
la segurëza de creïe ala Pasca,
déache al se l'à vit dant: Gejü Crist!


P. Heiduschek



Das Böse ist nicht etwas von uns Getrenntes. Es ist ein Teil von uns.
Denn immer wenn wir Gott den Rücken zukehren, werfen wir einen Schatten.



La comunitè d'Al Plan ti aoda
döt le bun, sanité y benedisciun ai geniturs
Florian Hauser y Anna Rastner
por la nasciüda de picia Anja,
y ai geniturs **Philipp Tolloi y Gerda Videsott**
por la nasciüda de picio Leonhard.



Gejü à dit: „Chi co creï te mè, vir inçe sce ai mör!“

La comunitè tol comié da **Paul Palfrader da Iun**
mort al'eté de 84 agn. Ai familiars ti va les condolianzes
plü sontides. Che Paul pòi palsé tla pêsc de Dio!

Sorvisc dai Ministroné

Lönesc 10/03 (07.10h), Dédemesalèdema 12/03 (18.00h), Vëndres 14/03 (07.10h): Samuel Castlunger, Alex Rubatscher; **Staziuns 11/03, 13/03, 14/03 (h. 18.00):** Lucia, Vanessa y Max Obwegs; **Sabeda 15/03 (18.00h):** Luianta Clara, Filippo y Susanna Kastlunger, Miller Francesco Suani, Max Clara, Serena Alessandri; **Domëgna 16/03 (10.00h):** Daniel, Luca y Simon Comploi, Sara Doria, Viktoria Frontull, Simon Obwegs; **Domëgna 16/03 (18.00h):** Veronika y Paula Erlacher, Maria Huber, Matio Erlacher, Max Maneschg, Anna Chierchia

